

剡源鄉志卷十五

奉化趙霽濤 醉仙甫纂

寓賢傳

晉

王羲之字逸少司徒導之從子也

○案導光祿大夫覽之孫覽琅邪臨沂人

起家秘書郎仕至右軍將軍

會稽內史雅好服食養性不樂在京師初渡浙江便有終焉之志會稽有佳山水名士多居之謝安未仕時亦居焉孫綽李充許詢支遁等皆以文義冠世並築室東土與羲之同好嘗與同志宴集於會稽山陰之蘭亭羲之自爲之序以申其志既去官與東土人士盡山水之游弋釣爲娛又與道士許邁共修服食採藥石不遠千里徧游東中諸郡窮諸名山泛滄海歎曰我卒當以樂死初羲之既優游無事與吏部郎謝萬書曰古之辭世者或被髮佯狂或汚身穢跡可謂艱矣今僕坐而獲免遂其宿心其爲慶幸豈非天賜遠天不祥頃東游還修植桑果今盛敷榮

剡源鄉志

卷十五

寓賢傳

丹山赤水洞天 剡曲草堂印行

率諸子抱弱孫游觀其間有一味之甘割而分之以娛目前雖植德無殊邈猶欲教養子孫以敦厚退讓或有輕薄庶令舉策數馬髣髴萬石之風君謂此何如比當與安石東游山海并行田視地利願養閑暇衣食之餘欲與親知時共權譙雖不能興言高詠銜杯引滿語田里所行故以爲撫掌之資其爲得意可勝言邪嘗依陸賈班嗣楊王孫之處世甚欲希風數子老夫志願盡於此也年五十九卒贈金紫光祿大夫諸子遵父先旨固讓不受晉書本傳剡金庭觀爲右軍故宅剡錄其別業在剡源六詔相傳山中有石研鮑琦亭集剡源九曲辭又有墨池鮑琦亭詩注皆爲羲之之遺九曲辭故其地向有右軍祠至正志今稱廟新纂

南齊

孔祐山陰人至行通神隱於四明山嘗見山谷中有數百斛錢視之如瓦石不異採樵者競取入手即成沙礫曾有鹿中箭來投祐祐爲之養創愈然後去太守王僧虔引爲主簿不屈南史附杜京產傳



案寶慶志引南史有刪節

唐

謝遺塵有道之士也嘗隱於四明山之南雷寶慶志四明山條大雷山即謝遺塵所隱一旦訪陸龜蒙與語不及世務且曰吾得於玉泉生知子性誕逸樂神仙中書探海岳遺事以期方外之交雖銅牆鬼炊虎獄劍餌無不窺也今爲子語吾山之奇者有峯最高四穴在峯上每天宇澄霽望之如戶牖相傳謂之石窗卽四明之目也山中有雲不絕者二十里民皆家雲之南北每相從謂之過雲有鹿亭有樊榭有潺湲洞木實有青櫺子味極甘而堅不可粹破有猿山家謂之鞠侯其他有圖籍不足道也凡此佳處各爲我賦詩龜蒙因作九題詩謝省之曰玉泉生真不誣矣甫里集宋史直翁特立遺塵之祠於湖上未幾廢清全祖望因重建之爲作祠堂碑記結埼亭集外編案黃梨洲四明山志定遺塵之居在餘姚之南雷剡源集清茂軒記剡源有兩大雷皆有石門定遺塵之居在毛氏之石門以戴先生居剡數十年當自無誤

剡源鄉志

卷十五

寓賢傳

一一

丹山赤水洞天

剡曲草堂印行

非黃氏僅僅遊歷一月者比也

王蜀

許寂少年棲四明山學易於晉徵君一旦有夫婦詣山挈一壺酒寂詰之云今日離剡縣寂曰道路甚遙安得一日及此頗亦異之其夕以壺觴命酌此丈夫出一拍板抗聲高歌悉是說劍之意俄自臂間抽兩物展而喝之卽兩劍躍起在寂頭上盤旋交擊寂甚駭尋匣之飲畢就寢迨曉乃空榻也乾道四明圖經引夢北瑣言寶慶志亦引之

宋

張良臣字武子一字漢卿延祐志拱人也父避地南來往返明越遂家於明樓鑰書張武子詩集

良臣篤學好古後平園續稿天資絕高後高善爲詩清刻高潔不蹈襲凡近陵厲音節讀

者悲壯尤長於唐人絕句語盡而意益遠延祐志結交老蒼聞見多前輩事魏杞尉

姚江一見奇之後書隆興元年試南省杞時爲參詳官延祐志得其三策心知爲武子

之文袖以見知舉張肅讀之以爲佳後書杞曰此文拙古必故人張武子所作使欲

得士願以進壽許之撤試果良臣也杞晚居小溪山中日從酬唱其作詩或終歲
不出一語延祐志故所作必絕人後書後宋詩人咸推服之延祐志良臣兩仕都城司糴

於外司帑於內皆甚劇泊然如在山林苟非所知雖貴而欲見不造也平時若不
以事物自嬰而官業井井可觀惜乎不見用不幸齋志而歿後書天性清曠不營生

業戴表元題徐可與詩卷閉門讀書室中無一物終日凝然妻孥至不免飢寒或謂何不歲

晚計良臣曰水禽有名信天翁者食魚而不能捕兀立沙上視他禽偶墜魚於前
乃拾之然未聞有餓死者其夷澹雅諛類如此後書為渡江以來詩祖凡後生操觚

弄翰者未有不出其門同題官止監左藏庫有詩集十卷延祐志弟堯臣字以道後書

哀其古賦四篇古律詩數百首號雪窗集續編卒葬白巖山中乾隆志

江孝廉迴曰乾隆志引黃宗義四明山志魏杞作史浩誤也

案今高輿張譜別有一人號雪窗而無武子之名

又案康熙志叙遺張良臣宋之高士隱于大雷山今不詳其何人豈即張武子

剡源鄉志

卷十五

寓賢傳

三

丹山赤水洞天
剡曲草堂印行

歟然武子隱大雷山他書無證豈別一人與武子同名歟

舒津字通叟文靖之從孫也登景德三年進士第遷太學博士知平江府舒文靖類稿寓

雲南案在僧舍陳本陳著有次韻內兄舒通叟太博寓雲南僧舍詩二首詩云

吁嗟天數不人由舉目江河萬里愁為厲可無忠義鬼覓封忍見笑談侯功名只

作無時看氣節須從險處留歸去來辭非浪賦曾知此老此心不默察天翻地覆

由寸心無處著私愁忠唐不復瞻雙廟誤漢皆知罪五侯牧馬入南飛浙水狩車

遵北感陳留山川滿目花如舊邂逅春風可問不四次寄意詩正大從來不徑由

窮崖今卻伴援愁棲棲宇內知師孔吃吃人間愛說侯昨夜撞鐘搜句到他年籠

壁把名留崆峒麥熟關時事此意還曾入詠不

舒岳祥案宋元字舜侯鄞縣一字景薛寧海人宋元七歲能作古文弱冠謁吳吏

部大奇之袁翰師友淵源錄學者稱聞風先生鄞縣宋亡案流寓剡源榆林全祖望與

戴表元相友善學案表元先避地天台本剡源集與岳祥和詩最富全祖望撰胡梅其次

韻答寄園風舒先生詩云聞說薌巖老風情不減前菊盤秋熟蟹竹枕晚涼蟬碑

碣僧頻謁詩囊客自編梅花紫溪路一別又三年又有寄天台舒園風先生初丙子同

避兵台詩云嶺雲盡處是台州有個詩翁住下頭不寄一書春又晚相思百里水

空流新踪凍合鶯雛谷舊夢花迷燕子樓聞說道傍烽燧急定應重作峽中遊○衡

案二詩据劉川詩鈔補

劉莊孫字正仲袁補譚號榜園劉源天台人能以詞藻達幽隱從舒岳祥遊唱和不

輟空林絕嶂目接耳受一寓於諷詠袁家貧無書傳五經能默與先儒合袁補師友淵源

錄與岳祥同流寓於榆林全祖望劉源九曲辭著有劉黃陂集宋元學案

元

黃正孫字長孺震孫夢幹子案黃潛撰墓誌作父祖勉生有美質雅志恬靜親傳家學不自表襮

年十二宋亡即絕意仕進事母盡孝與仲父季父患難相從不異貴產年二十出

為陳著贅婿居十有七年乃歸皇慶二年出遊西州至嘉興魏塘有義士吳某遣

剡源鄉志

卷十五

寓賢傳

四

丹山赤水洞天
剡曲草堂印行

幣迎致之履行端方為學者所尊晚自號尚綱翁以見其志至正五年卒年八十

一鄞縣志陳著有次韻黃長孺詩山谷忽精神一番桃李新杯盤留話處燈火苟

安人老去刻為歲醉來寒亦春催歸莫閒管此處豈天津○衡案此詩据剡川詩鈔補

戴良字叔能浦江人通經史百家醫醫卜釋老之說明史本傳學古文於柳貫黃潛吳萊

學詩於余闕趙友同皆得其師承元詩選元季避地吳中依張士誠本傳至正二十一

年以薦授淮南江北等處行中書省儒學提舉時事不靖無可行其志慕久之見

士誠將敗挈家汎海抵登州欲閒行歸擴廓軍道梗寓昌樂明洪武六年南還變

姓名隱四明本傳四明多佳山水耆儒故老流寓於茲因相與宴集為樂酒酣賦詩

擊節歌詠聞者以為有黍離麥秀之遺音焉慕志明太祖物色得之十五年召至京

師試以文欲官之以老疾固辭忤旨明年四月暴卒蓋自裁焉本傳

明

全整字修齋鄞人少受業於族父本然本心二先生修明慈湖之學受詩於丁鶴年

其所傳習遠有淵源有明草昧初開士爭趨風雲之會而整獨承先人教不樂仕進居剡源第五曲曰三石草堂林泉草木之盛甲於九曲又結廬於梨洲以祀抃綽其逸情高致皆此類也是時全氏在鄞之桓溪詩人極盛皆欲其歸鄞本然之子玉翁以詩招之有商皓芝中非固蒂陶潛菊畔可安居之句整答之則曰萬間廣厦深蒙庇半畝林泉更卜居蓋猶未定歸也洪武乙丑始歸桓溪而往來唱和於剡源不絕與陳孟雍樓穆中諸人稱爲剡源八傑永樂間徵修大典辭不就年八十餘始卒所著有三石山房集四卷全祖望撰全修齋府君傳周立本字長卿學者稱三峨先生嘗受業於王嗣爽有鄰女私奔嚴拒之人稱之曰周柳下以貢爲上虞訓導嘗攝簿事多善政立本天性純粹無書不覽爲文高邁清俊詩清切澹遠徐之垣撰勝朝末謝事康熙志與子志寧偕隱於剡源之公塘李國標撰有詩集數十卷○衡案剡川詩鈔云著有碧暉軒草及四六金莖露藏於家銓部戴澳爲序乾隆志寧另有傳

剡源鄉志

卷十五

高賢傳

五

丹山赤水洞天
剡曲草堂印行

王翊字完勳別號篤菴慈谿人後遷姚江補諸生好言兵

全祖望撰墓碑

有智略魯士監國

翊起兵海濱與江上師爲聲援授兵部職方主事浙東不守

海東逸史時黃宗羲引殘

卒入四明思自守以觀變翊方走海濱招兵謀與宗羲合

墓碑

乃入四明山結寨於

大蘭戊子三月破上虞馮京第自湖州軍破亦閒行至四明與翊合軍杜畧軍容

甚整北帥燬團練攻杜畧破之京第匿民舍翊以四百人走天台謂諸將曰是皆

團練之罪也北兵雖健我視其銳則避之懈則擊之非團練爲之鄉導彼敢行險

地如枕席乎然北兵團練豈能相守吾卒雖殘其破團練尙有餘力乃自天台至

四明擊破鄉聚之團練者沿道招集流亡一月復至萬餘人而京第亦出已丑春

又破上虞浙東山寨石仲房

南疆釋史作仲芳

王化龍陳大樞俞國望金湯奉化吳全明

紀年云在天台袁應彪

紀年作彪

千里之閒屹然相望然皆擄掠暴橫平岡張煌言上虞李長

祥獨不擾民又單弱不能成軍惟翊一旅蔓延於四明八百里之內設爲五營五

司海東逸史於是四面二百八十峯之民其租賦不之官而之翊其訟獄不之官而之

翊其耳目消息皆不之官而之翊碑翊計天下不能無事待之數年庶幾為中原之應也海東逸史是年夏碑自上虞出東徇奉化北兵方攻吳奎明力竭而遁翊猝遇之而戰北兵大敗六月紀年作十月翊躬行在拜右僉都御史庚寅三月復來朝進兵部右侍郎八月破新昌拔虎山進本部尙書右副都御史明年春北兵將攻舟山惡翊中梗乃分二道一由奉化一由餘姚會師於大蘭山帳房三十里游騎四出以搜伏聽者翊遁入海海東逸史七月復入山小腆紀年所留諸將降殺且盡翊傍徨無所倚海東逸史山中父老勸令招兵榆林白溪之間碑二十四日至北溪為團練兵所執是夜大星墮地野鷄皆鳴過奉化賦絕命詩有平生忠憤血飛濺於羣虜之句在獄中每日從容束幘掠髮修容謂守卒曰使汝曹得見此漢官威儀也八月十二會訊於定海翊坐地上曰毋多言成敗利鈍皆天也汝等何所知十四日行刑羣帥憤其積年倔強燬而射之或中肩或中頰或中脅豈不稍動如貫植木洞胸者三尚不仆乃斧其首而下之始仆年三十六清賜諡曰烈愍海東逸史

剡源鄉志

卷十五

寓賢傳

六

丹山赤水詞天
剡曲草堂印行

周志寧字爾侯別號樗園立本予以文行著聲補邑庠康熙志時盜賊熾起四方擾攘

急啓父曰大人雖不膺民社豈復游文墨時乎因脫屣歸偕隱於剡源之公塘李國

標誤名其園曰半畝顏其別業曰璧陣鄭從明鼎革後遂棄諸生父歿竭力襄含

殮康熙志不因貧故棄禮享祀必從蠲潔首延名宿陶甄子弟性好客其始筆牀楚

楚花影近人戶屢常相錯至半畝樗園壁立時客尙視爲鄭莊之驛至則恪治壺

餐略無吝色或論心晨夕或攬勝風雲總不向庸俗中求生活也迨數楹莫蔽編

茅以棲澹泊會心穆然意遠晚年撰造日新三句九食撚鬚自如李傳所著有詩瓢

文瓢學遊草蒙壯知非諸集卒年六十四康熙志嘗愛養金魚呼錫嘉名者百餘頭

卒之先一夕盡死堂下桂屏爲文酒佐歡處一朝零敗紫微數本皆垂首素幃云

李傳

李國標字君龍李果堂撰別號梅岑高材博學金祖望撰讀書洞見本源不倚傍

宋人訓詁康熙志於五經俱有所論辯其讀史諸論非馳騁古今斷以已意而盡歸

於是非之正李序邑令胡賞其文有國士無雙之目康熙志顧耿介絕俗雖前輩薦紳

先生非深知之者不往見嘗客天台陳寒山見其文極賞之及晤其人喜曰李生

胸中有奇氣其足重者非徒以文全傳已而寒山連雋去壽之千金弗視為婉致一

姬納之康熙志晚以明經入太學改步之際全傳令楚之嘉禾李序流賊方訂不得有所

為細考在官僅八十餘日康熙志而事遽去累遭挫折終不屈自此益不肯妄見一

人全傳杜門著書自號明麓逸叟康熙志鄞都御史林璽菴嘗訪之麥飯煎湯相對

話故國事次日與共遊山賦詩感慨高宇泰仿汝社例舉南湖耆舊之會慎選遺

民稍有可議者輒弗得入共得九人故戶部徐振庸最長太常王玉書次之然皆

曰安得梅岑來社中吾輩當讓之為祭酒乃相與迎之以病辭不至全傳是時年八

十氣體甚健喜遊覽山川飲酒盡數斗不亂衣冠杖履甚古李序時往來六詔三石

山中樵子收豎皆知為李先生也論者謂梅岑有柴桑之風全傳其大節類淵明云

續考

剡源鄉志

卷十五

寓賢傳

七

丹山赤水洞天
剡曲草堂印行

舒坤翁字方叔廣平之後歸琦亭集剡源九曲辭跋好讀書善醫天性忠耿遇人不平事正色侃

言不避怨憎里中多直之丙戌紹興失守魯王故臣監從海道揚帆坤翁恨不得

同往日訊問其去住來往由是同志者多就其家告訊坤翁貧無以應給日從病

家來盡傾其衣袖中所得市薪米毫無吝色王書時鄞陸宇燧為侍郎馮京第

王翊募兵於榆林鄞縣志坤翁與之同居太常王玉書嘗為作傳死於山中宇燧輓

之曰嗚呼方叔不死者心死者身有魂趨東海翩然朝故君全祖望欲立宇燧祠

以坤翁配之九曲辭跋

宗誼字在公號正菴續考江東起事義兵各食其地勸輸之餉鄞餉以故太僕謝三

賓富推之為主其人日筆兼金賂戚畹求其入閣反乾沒里中所輸而出納於軍

中甚吝誼慨然發其家得十萬金徑送督師錢肅樂營肅樂疏請獎之且言其才

宜在館閣監國召詣都堂誼曰是將以下式出身也辭不赴江師航海資糧屏履

仍仰之內地誼家已落猶貨其田園奴婢之未盡者以應之遂屏當一空無擔石

之儲而誼怡然與陸字燦董劍鏘葉謙陸崑范兆芝余齋結七子社以扁舟共遊

湖上全祖望嘗在全吾騏座中擁爐圍火適有客至頗遊時貴之門偶以淡巴菰

就火誼遽曰速易此火汚吾爐矣續考晚年所居僅破屋時至絕粒哦詩不衰葉

年七十猶強健周斯盛後居剡源與舒象坤倡和最相得續考

周元初字自一一字立之鄞人也學者稱為棲煙先生文穆公應賓從子文穆無子

撫以為子已而推恩受任讓於同祖昆弟其一卽刑部郎元登其一卽思南守元

懋時人賢之及國雖元登從亡海上元懋祝髮縱酒以死而元初從戎仗節論者

有三珠樹之目元初少負大略其所交好華毅烈默農王忠潔石雁陸節介周明

王太常水功徐兵部我庸族中則囊雲不過數人相期以忠孝於世俗貴介絜綺

之習蔑如也東江建國歸琦罄家財以輸餉錢海東與其諸弟石公先生元越赴

之錢忠介公疏授明經仍援文穆遺恩授郎署不受遂以白怡參軍事悍帥為梗

不得展其志迨國亡重趼入榆林時避兵者多弗盡與通也而周明水功及囊雲

剡源鄉志

卷十五

寓賢傳

八

丹山赤水洞天
剡曲草堂印行

皆在焉大喜四人無日不相過從偶不過從則如坐鍼氈中所倡和詩務期僻思
齷句不類世閒人所作然後脫稿經營慘淡得之屋顛樹杪之閒閒亦與高僧解
齋參禪機峯橫出榆林在萬山中先生日走其間足為之覽亦不顧其家累請返
故居不許歲中唯再展文穆及所生墓道則一至祠下信宿而已元初故擁文穆
遺資以輸餉忠介幕府蕩其十五戊子力救華王二公之難又蕩其十三至是雖
行遜尚從事於窮島之聲援遂盡廢其資而先生操行彌厲黃齋脫粟麻衣草履
極人間未有之困方陶然自得也嘗作捉鬼者傳以奇其憤晚年周明死王事囊
雲亦卒水功返城居先生乃往來郊城之間高武部九子之社先生與焉未幾諸

公相繼卒先生雖離羣索居然雄心未已寫捫蝨圖以見志歸琦

陸字燦字周明一字蠶菴鄞縣人世科子少讀書慷慨負大志續考喜任俠北都之

變士大夫亡命者問其名爭來就識與不識皆加館禮南天當南都覆沒時慟哭

學宮適董幼安至相抱而號因聚謀為起兵計會張雲生華吉甫王占一毛象來

不戒而集董幼安出載書於袖中字燿遂連名著紙尾願徧諸薦紳莫有以爲是者計無所出字燿沈吟良久曰是惟刑部錢肅樂可語但彼以喀血踰年不應客吾當排闥見之乃往直入內告焉肅樂亟強起曰不敢辭曰決乎肅樂曰決矣不告其家遂行召募數日事終不就會聞紹興兵起諸荐紳始稍稍集虛左席以讓肅樂而謝三賓者方從江上迎降歸欲敗其事貽書定海鎮將王之仁有請殺六狂生以靖亂之語當時六狂生皆窶儒惟字燿以貴公子毀家輸餉三賓尤欲殺之不料其計之不行也字燿貽之書曰昔德祐之季謝昌元贊趙孟傳誘殺袁進士以賣國執事之家風也今幸總戎不爲孟傳遂使執事不得收昌元効順之功以是知賣國之智亦不能保其萬全也三賓得書咋舌而已魯監國次於會稽授爲監紀同知俄進按察副使仍監軍時馬士英亦逃至越匿方國安軍中字燿陳士英十大罪乞梟其首以謝江左同朝王詹事思任莊給事元辰皆助其言不報黃侍御宗羲亦廷爭之卒格於國安而止字燿歎曰卽此已不堪立國矣遽棄官

剡源鄉志

卷十五

寓賢傳

九

丹山赤水洞天

剡山草堂印行

歸而士英果挾國安以爭金華江上軍事爲之崩裂諸軍航海字燿爲馮王二侍郎募兵於榆林已而皆破於是六狂生者相繼死其四而字燿之志不灰全祖望撰碑歷十八年復謀舉兵應海上海東時張煌言以孤軍入江北字燿爲之飛書發使煌言遙仗字燿爲內主捕至錢唐字燿已病用奇計出獄門抵館而卒年五十六歲私諡曰節介葉碑

萬泰字履安晚號悔菴鄞人東江建國以戶部主事司兵餉充日講國亡遁入榆林

續者盡攜藏書以行續三年蹤跡往來西皋剡曲間時把離騷一卷向水邊

林下低回而誦之續已而榆林亦被兵續所藏書無復存者題乃復歸公車

敦促長歌謝之然日益忽忽不得燕人梁以樟至郵約同志六七人與之倡和其

音淒絕吳鍾巒死泰購得其遺稿摩挲故紙手抄傳之續泰始未嘗作詩道亂

以來驚離弔往所至之地必拾其遺事表其逸民續着有續騷堂集時有沈

一韓避地甬上與萬泰攜手入剡經月西歸賦詩留別泰答和二首中有一月空

山住千秋過客蹤之句

續錄 堂集

邵以貫字得魯餘姚人少與其兄以發齊名而以貫尤消潔講求有用之學時遭飢饉與同里鄭奠維諸人舉義倉桑梓中德之已而國難大作以貫欲死不得遂削髮為頭陀狂走入雪竇山中妙高臺曰口詰琦 亭集其胸中所有無非溪雲嶺雪孤峯怪石周齊曾撰 邵母壽序周囊雲亦以僧服居曰阮時時過從又與黃澤望俊讀謝皋羽遊錄而慕之曰方今豺虎滿天下五獄之志不可期矣四明二百八十峯近在臥榻當使峯峯有二人屐齒於是始遍走山中然山寨方不靖所在二人繼卒而二人者冠服奇古躑躅其閒頻遭詰難顧不以爲苦澤望嘗曰得魯自甲甲後輔頰閒無日不有淚痕其稍開笑口者則遊山耳以貫所爲詩文極多顧身後散佚無一存者詰琦 亭集

王玉書字水功一字仙笈號无界鄞人續錄 傳爲人美鬢目魁然有氣岸好極論天下

事慷慨自喜李郭 志與錢肅樂善爲講學友乙酉東江兵起玉書杖策從之以明

剡源鄉志

卷十五

寓賢傳

十

丹山赤水洞天 剡山草堂印行

經授太常博士續錄 舊傳居散曹無所試嘉志棄之歸未幾避兵於榆林其所唱和者周

齊曾周元初陸字燭所稱榆林四老者也迨字燭死國事齊曾亦死玉書益躑躅

山水間續錄 舊傳絕意自放專精於詩其詩務搜剔宿垢澗濯積塵不肯有單言片句

偶合古人嘉志嘗欲葬楊文琦兄弟之骨爲疏以告諸好義者續錄 舊傳卒年七十一嘉志

同時錢豹字文蔚墳之後少有才錢肅樂以同姓厚期之已而世亂遂不復進取

每過榆林與玉書齊曾相得甚懽徐振奇避兵青雷復從之遊偶入城則王高斗

權字泰家錢肅樂嘗曰文蔚不涉世味穆然靜遠性所蘊蓄蔚爲聲詩蓋劉遺民

之徒歟續錄 舊傳

周齊曾字思沂一字唯一號囊雲鄞縣人少就傳嘗終日不聞咿唔聲或疑讀何書

竊窺之則南華楞嚴二經也續錄 舊傳爲文擺落華藻自抒所得李郭 嘉志崇禎九年

舉於鄉十六年會試房考吳麟徵得其卷大異之登進士知順德縣首減征繕以

國有常賦復有息耗民何以堪除各項應派餘悉蠲之周天行 議行略攝香山縣故相黃士

俊家居蓄無賴以害民齊曾捕其客之甚者置獄士俊大怒會兩京陷閩中立君士俊復爲揆輔思去之續者傳下教有不便於民者卽解職歸黃宗義部民間齊曾

棄官去浮海乞留者數萬城中疑爲寇至閉門拒之齊曾竟乘夜潛出買舟亟行在道中問吳麟徵黃瑞伯兩房師皆死國難痛哭以不得從之爲恨歸至浙東則

百城內附續者傳魯王監國起給事中紹興破海東時順治三年丙戌也李果遁入

剡源三石之石蓮菴祝髮爲沙門有祝髮石蓮詩二首丁亥秋復築瓢於白阮之

樞樹灣續者傳盡去其髮爲而髮冢曰惟松有聲可以無哭惟薤有露可以無泪惟

烏石依依可以無弔客架險立瓢榜曰囊雲自稱無髮居士剡源饒水石與山僧

樵子出沒瀑聲虹影之間續者傳性耐勞苦南天同年生王爾祿爲海道求見之不可得

以茶餽之謝以詩而不往也以書招之續者傳答曰齊曾自鬻髮緣盡便趁雲巒覓

路回首江城覺咫尺千萬里數年來遼陽鶴或從魂夢中一歸今且夢亦不知何

往矣夫人固有不可一世而固自矯矯以傲流俗者齊曾自分非其儔也但居民

剡源鄉志

卷十五

寓賢傳

十一

丹山赤水洞人
剡曲草堂印行

上而葢茲土者刻視亡國臣雖編戶僕隸不如而又誅求無已富而無以固其有餘貧而無以守其不足出門叢棘何處側身是宜山深耳兼之齊曾皆齷寡狀昔爲東粵下吏不能違一色心以事鄉大老幾中含沙解組而避夫不易其性後爲保不蹶之如前苟不深自衡審輕圖一用恐鳧沒鷺浮奚止無補於時而且慮仍以覆轍滋罪緣是皈依空王以釋子自度學木槁灰死雖在地上如隔地下即母妻瓜葛年兄弟之異姓而骨肉者同一塊土不見顏色五易星霜倘一旦出而趨承左右能不羣起而疑之故君子在望小人方歌樂只頌父母齊曾豈不渴深瞻拜乃卒躊躇而止正不欲使君子之側有此可疑之人以溷天下之是非不止慮爲數行北山文笑也况世外人家雖在而置之若無身雖存而等之若亡白石一鋤蒼松一笠已足了未盡之年此外復何有所覲伏冀執事覽其齷縷而納其芹曝幸甚齊曾棲霞蹤迹朝不知暮宿所從此勿再以八行通候問也或又以巡撫意招之且動以禍福答曰所欠惟一死無他求也所親謀強之入城至郊南

欲自投於水其孤峻如此續者山林標致一器之微亦極其工巧嘗於燒餘為爐

拂拭過於金玉又得懸崖奇木製為養和坐臥其間慕隱居凡二十餘年辛亥卒

年六十九南大固守殘山賸水之節以終其身歸志所著詩古文詞高

清曠逸絕去煙火鄧縣開圖山水筆意亦出塵外鄉人欽其高風私謚貞靖先生

同時胡傳字麟翼亦鄧人與父一桂皆以能詩名晚年從齊曾遊鄧縣齊曾束茅

山中傳常往來其間佛燈魚鼓時與共云續者

張廷賓字客卿餘姚人形貌清癯性甘淡泊少與兄廷宰砥礪問學品擅人師天啓

四年舉於鄉為鄞縣教諭識高宇泰李鄴嗣於諸生中甲申之變國事大變江南

尚溺於承平廷賓獨慨然謂數十年來人心喪失遂為世道之禍作復人心說榜

之明倫堂一時傳之莫不笑以為迂已而其言大驗除望江知縣不赴明亡入四

明山中為沙門結跏於妙峯之上與周齊曾徬徨山澤間東南高蹈之士多歸之

卒年八十八著有妙峯集奉化新志○衡案奉化志案曰康乾志方外有張廷

賓釋名行恂攷廷賓為周齊曾胡傳一流人物非真為釋者今列寓賢類故為補

剡源鄉志

卷十五

寓賢傳

十一

丹山赤水洞天
剡山草堂印行

汪偉字長源南直休寧人翰林檢討為慈谿令有固守城圍議慈谿縣志北都亡偉帥官

吏士民哭臨畢為位哭之三日乙酉夏偉與沈宸荃起兵晉御史仍知縣事偉募

義勇赴江上自效任事邁往諸帥惡之乃力求罷莊元辰留之丙戌夏浙東再破

偉黃冠行遜於剡溪不肯歸妻收遺棄子拾墮樵不以為苦辛卯後始歸故鄉卒

以窮死全祖望撰王

案汪長源事蹟鮚埼亭集與慈谿縣志互異

清羅有高字臺山江藩國朝宋寧都瑞金人少而雋偉年十六補諸生明年寓雩都

蕭氏別業徧讀所藏書因慨然慕古劍俠者流習技勇治兵家言彭紹升後與宋

昌國同學於贛惟敬大雲山見鄧元昌篤於儒臺山於是幡然棄所學尤喜明道

象山陽明念菴之學以以上闕六經孔孟之文旁推曲證多創獲之旨年二十餘

象山陽明念菴之學以以上闕六經孔孟之文旁推曲證多創獲之旨年二十餘

象山陽明念菴之學以以上闕六經孔孟之文旁推曲證多創獲之旨年二十餘

謁寧化雷貫一遂受業其門每有陳說雷曰子聰明然譬諸活水銀吾懼其流也居歲餘而歸行二十一充優貢生三十四順天鄉試中式外還家率諸族子弟入

鳳凰山朝夕講肄導以為善行性喜出遊常之廣東客恩平縣李文藻官舍又見

戴東原於京師始檢注疏及爾雅說文解字諸書為訓故之學有釋蠡一篇附注

大紳治儒釋兩家言才辯無礙行其生平相與講學論文往復不厭者獨彭紹升

與臺山而已彭紹升課汪大紳述復入京會試攜其幼子之明來舍之去其還也乃携以歸

行忽登樓縱火自焚家人驚救得不死遂狂走入深山數月後乃迹得之與人言

孝弟而歌泣無時外至宜黃有余子安者館之石蜚山僧舍尋至揚州度錢唐行

過甬東外止奉化西峯寺行變姓名為高朗張鳳竹見其詩文奇之延為塾師令

其子璇從焉嘗講鄉黨一篇於雪竇禪寺設朝廟階寢聘享之制甚詳張璇一日

出白金易錢外金甚夥附縣胥疑其盜也捕之臺山手仆三人餘皆逃尋自詣縣

縣令升堂見之叱使跪不應詰其姓名不答行與縣官為禪語縣官蹙不解外傳

剡源鄉志

卷十五

高僧傳

十三

丹山赤水洞天
剡曲草堂印行

之告成寺行鳳竹乃知姓名告有高同年生邵洪略洪白於令而釋之行遂主其

家略請業者無不足其意以去明年渡海禮洛迦山王昶撰已而至蘇與彭紹升

遊太湖之洞庭樂石公之勝賃僧舍而居之洪述之還寧波行然名心不死又與

洪入京應試附京中士大夫聞其至多相從論學抵家甫逾旬而卒年四十六行

有高為文章絕去摹擬依傍務抒其所獨契蔡而天性孝友家庭閒每有拂逆外

處之退然與人交無賢愚必欵欵盡言引之於道行所著有尊聞居士集行於時

孫廷鎬字庚炎一字庚堯號蓮峯無錫人諸生工詩熟於史事喜談兵參秦湖業金

朱學士筠督學浙江時延之授文又薦主蛟川書院遂流寓甬上剡源張鳳竹相

遇郡中挈之歸割外舍居之因教其子璇復申之以婚姻廷鎬於書無所不窺講

學不為理學空言務兼體用古文詩賦足亂唐人楮葉又時時入兩漢魏晉人之

室時文非其所屑為然閒一為之格高韻古有明及本朝數大家外俱無此手筆

嘗言科名之外有文章文章之外有事業事業之外有性命學不闢基於性命後

來皆立脚不住必須先養得性光十分圓滿天地古今事雖至微極細方能照徹
表裏大學格致誠正其序如此非謂格致後始當言誠正也後人有體無用四字
最是未妥苟其無用畢竟不會有體而無體之用亦畢竟不成爲用少從方苞遊
苞言文章糟粕精微所寓後生作時文若先務去糟粕是并精微而去之矣是又
不可不知也廷鎬好讀金經叩之則曰學如治病藥必對證余性剛褊證是鬱冒
若投以宋人濇劑則死矣大抵麻木風痺療以申韓筋弛脈縱療以管商實熱疫
厲療以老莊疋卻羸弱療以六經余鬱冒是無明煩惱病根最重療以內典是所
宜也所著有周禮集義易學管窺金經得一錄筆贅五十七卷雜說二十卷古文
詩賦雜著稿四十三卷無錫志作著
有白社集藏鳳竹家既歿葬於剡源許岸溪西坪之上
歿之前數日謂弟子周步瀛曰臨死面赤者氣自上出當生天面白者氣自下降
當生人子盍候之遂不言而面赤於火者三日乃終周步瀛撰傳其弟子最著名者步
瀛之外宋曾源張璇

剡源鄉志

卷十五

高賢傳

十四

丹山赤水洞天
剡曲草堂印行

漢

梅福字子真變姓名為吳門市卒之後即隱四明山所在著異故人傳以為仙有四

明山記其所著也

黃宗羲四明山志

釋佛引有梅福菴詩曰羽士留丹室金仙作化城松

房新月朗藥井舊泉清路入幽篁僻門開滄海平倚欄遙聘望寥廓一身輕

刻川詩鈔

○衡案剡川詩鈔佛引號西來著剡溪草載梅福菴一詩攷奉邑並無梅福之菴他鄉尤無梅福之蹟其詩既以剡溪署名其菴必在剡源無疑因補佛引之

詩於此

吳

劉綱字伯經下邳人任上虞令與夫人樊氏雲翹居四明山

丹山圖

師事白君歷年學

成

嘉泰會稽志

嘗與夫人較術綱作火燒確屋夫人禁之即滅庭中兩株桃各呪一使

相關擊良久綱所呪者走出籬外綱唾盤中成鯉夫人唾之成獺食魚入山路阻

剡源鄉志

卷十五

寓賢集

十五

丹山赤水洞天 剡曲草堂印行

虎綱禁之伏不動適欲往虎即喊之夫人徑前虎不敢仰視以繩繫虎於牀腳下

每共試術不勝

太平廣記

將昇天大蘭山有阜莢樹綱升樹數丈方能飛舉夫人平坐

冉冉如雲氣之升

圖詠

案寶慶志十五紀異梨洲條案十道四蕃志即劉綱與夫人昇仙處

晉

孫綽字興公太原中都人為章安令

何法盛晉中興書

復為永嘉太守

李周翰天台賦註

家會稽

刻錄

引文志遊放山水十有餘年作遂初賦以致其意

刻錄引沃洲記

與兄承公同遊至澗側

寶慶

志十五引

得仙梨而上昇

寶慶志四引四明山志

唐

某道士咸通時人有客自剡溪金庭路由林嶺間將抵明州行二三十里忽迷失舊

路忽忽而行日已將暮莫知棲息之所因遇一道士荷鋤問津焉道士曰此去人

家稍遠無寓宿之所不嫌弊陋宿於吾廬可也引及其家則林徑幽邃山谷沖寂

既憇廡下久之烹野蔬苗食之頃有叩其門者童子報云隱雲觀請來日澗洎曉道士去約童子曰善祇奉客客因問隱雲觀置來幾年去此觀遠近答曰自古有此觀置來去此五百里常隱雲中世人不見故以為名客驚曰五百里甚遠尊師何時當還答曰尊師往來亦頃刻耳俄而道士復歸欲留客久住客方有鄉關之念懇辭而出乃遣童子示其舊路行三二里失向來所在及問歲月已三四年矣尋即復往再訪其蹤無能知其處所寶慶志十一案黃氏四明山志謂在梨洲六詔之間

章全素南昌人從吳郡蔣生於四明山傭作甚怠時蒙笞罵蔣生學鍊丹每葺鑪鼎爨薪鼓鑪積十年而不成一日全素指石硯而謂蔣生曰先生好仙術亦能化此硯為金乎蔣生慚而復罵之曰汝傭奴知除事全素曰某或能之蔣生叱其誕妄而退明日蔣生出外歸則全素已卒蔣生掩其尸於篋為具棺及發篋尸失所在已視其石硯化為黃金光彩爛然四明山志

剡源鄉志

卷十五

萬曆集

十八

丹山赤水洞天 剡源草堂印行

宋

太白禪師納交孤竹君之裔飛錫於此○龜即指桃花山擇其地而居之留偈云昔是神仙窟今為長者居定須攀月桂宜教子孫書寶慶志十四

自能居法喜院是院一瓦一木皆自能手成而丈室惟布袋木枕無復長物即之坐龐肩皓頂泊然似不能言者舒亶有題法喜院詩二首延祐志二十詩詳寺菴

普濟字大川林氏子岳林寺志踣駐人初住岳林寺嘗於二月八日彌勒道場之日大書

一偈於山門曰契此老公無計性不知生日與生辰春風桃李知時節特地年年說向人本堂集又嘗題世尊出山相云龍章鳳質出玉宮肘露衣穿下雪峯智願必

空諸有相不知諸有幾時空剡川詩鈔補編曾撰修五燈會元二十卷行世岳林寺志示寂後其徒炳同江湖之宿望儒而墨者也乞文本心樞密為塔銘本堂集

雪溪居士姓戴佚其名公塘人時人謂剡源三教蓋謂本堂大川雪溪也陳流剡源九曲圖記陳本堂次韻戴成叔詩曰當年雪溪翁知命故知足平生一退字厚施不食祿高

潔嚴子陵清賢段干木溪上多子孫林樹森瑤玉

本堂集

德麟字足翁許氏剡源人剡源有古刹曰西峯圓覺寺十四歲投其僧主一公為師稍長縱遊廣參卒得法於天童無際派公遂主慈溪龍山三年次蘆山六年次昌國普慈八年撤普慈一新之次奉化岳林三年次昌國吉祥四年余尚書開奉化岳林住持一年即退歸鄞育王關主主育王一年退主鎮江焦山四年咸淳辛未十一月二十八日索筆書偈辭衆而逝逝既用天竺法其徒介文自焦山擘骨東歸塔藏於禽孝鄉銅山西之西原菴戴表元記之以文曰嗟夫人孰不死死則無復可念此世之達人皆知之而況於學道者乎然為子孫則不得若是之恕故為之蓋藏為之展息為之衛防蓋人心之當然而孝慈之道在佛氏本不廢也足翁師有語錄行世焦山辭衆偈尤峭潔僧林皆能言之此不著

剡源集

松澗字如岳題剡上鹿苑寺一覽閣詩末云何年了卻癡兒事分我西禪一月單江湖瞻矣此閣遂有聲陳著有次韻鹿苑寺一覽閣主松澗送茶詩又有次韻如岳

剡源鄉志

卷十五

仙釋傳

十七

丹山赤水洞天
剡曲草堂印行

詠菊詩惠茶詩次韻如岳醺飲西峯寺詩如岳先後主上乘淨慈寺

本堂集

雪航名恭主丹小山年七十餘清苦善吟

本堂集

陳十二佚其名著之姪為金觀道士著有送道士十二姪歸金觀詩曰世道日以漓人事日以非吾宗昔昌繁儒冠森巍巍時節相會聚燕笑芳菲非邇來歲復歲存者星晨稀我今七十九奄奄一息微汝亦七十八縱禮舊羽衣老我雖待盡猶與墳墓依而汝百里外鸞鶴傍孤飛我非壽彭殤汝非丁令威年事已到此餘生露易晞後會安可必欲別增獻款相送出門去溪寒日無輝我於汝回首此意知者希丁甯且加餐得健時一歸

本堂集

廣聞號偃溪侯官林氏嗣法徑山琰歷主小淨慈香山萬壽雪竇育王淨慈靈隱徑

山八刹

四明山志

其住小淨慈時常立鄭忠定公祠其遺墨與榜楹之勝並傳焉

陳流九曲

剡源縣記景定四年示寂

四明山志

知和號和菴主即海尊者也崑山張氏子隱居雪竇馴伏二虎恆跨之以遊藤籬棲

雲菴皆其跡也有志於道者多往見之主者嫉其勝己因郡守周舍人之問對曰
一常僧耳和題四偈於壁徙居杖錫山

湖庵野錄並
水東日記

元

東玉名珣三石陳氏儒家子行應法言近道年未四十氣貌嗒然如不欲語雖習爲
超世忘物之說而溫篤孝友信乎仁義人也戴表元有邀陳氏子飯歸似銅山珣
老詩飯子山下麥羹以山上筍筍堅煩齒牙麥糲哽喉吻相邀豈云厚竟去良不
忍林園隱幽處魚稻秋事近短歌訊而翁贈子以一晒又珣上人刪詩序再刪
詩序剡源集陳著亦有次韻戴帥初贈銅山寺王僧若珣詩憶昔曾尋紫翠堆轉頭
非舊幾年來僧檐蔓草幾成樹佛座蓮花半纈苔忽自吟邊飛錫到再從空裏把
山開江湖總是風光地應世因緣第一回

本堂集

正思剡源毛氏子父早世兄弟五人最少者亦爲僧曰清瑞正思自其幼年母邵氏
即割愛命之薙髮易服復與之經營之資曰他日我老願汝築一菴以養我正思

剡源鄉志

卷十五

高賢傳

十八

丹山赤水洞天
剡曲草堂印行

受其言菴未成而邵氏沒日夜念之不能忘於懷清瑞爲助鄞田若干以起其役
功用克集其初名靜山菴後遂以公檀上聞易爲天壽報本寺其名義蓋上申華
封之祝下存凱風之思云

剡源集

明

道巖號退菴餘姚人登浙闈賢書授鄞學博明亡隱居妙高臺著有瀑雪集其偶成
云山中無一事興至和嘉吟雲覆高臺冷風吹幽澗深間窗惟伴影客至偶談心
倚杖觀松長延年忘古今

剡川詩鈔

周齊曾贈妙高峯退菴大師七十詩云何年妙高

峯壁立乳峯右老人年七十相與爲名友無時不說法即以峯爲口無在不題詩
即以峯爲手趨到端師子打殺子胡狗昔日孔子曾有云空空如也知何有

續聲集

超觀字水定原名士率號位之邑高街孫際升之繼子幼習經書過目輒能覆誦遭
亂挈眷從周貞靖先生入筠塘山窩聚茅爲廬居之母妻死葬其側人因名曰孝
義菴超觀嘗題囊雲窩詩云廿載囊雲伴杖藜山空惟有兩心知移花笑我多成

癖愛石如君亦近癡七十已完彭澤志半生題徧剡溪詩採薇人去清風在響絕
高山爲子期蓋自傷其卒無知己者參康熙志孝義菴譜位之雖以浮屠終實明
之遺民也良園詩話

清

奇僧字指石奇夢字德量榆林陳氏子兄弟也以世儒而習禪宗大不類俗衲口頭
動拈公案者爲本空師高弟子歷王雪竇雲溪龍樹諸刹與儒者談詩論古坐臥
雲根竹縫託之吟詠若以詩爲棒喝也一日忽曰寰中燈焰明暗有時手中繩索
收放自我遂與德量共營壽塔徐揚銘撰塔銘築定山菴以祀親榆林陳譜者有本懷詩徐揚名本

懷詩序

剡源鄉志

卷十五

高賢集

十九

丹山赤水洞天
剡曲草堂印行